

SULDAL KONTROLLUTVAL

PROTOKOLL

Torsdag 13. februar 2014 blei det halde møte i Suldal kontrollutval under leiing av leiar Sverre Underbakke.

MØTESTAD:	Suldal kommunehus, formannskapssalen
MØTESTART-MØTESLUTT:	kl. 09.30 – 12.00
MØTANDE MEDLEMMER:	Berit Myrland (SV), Solveig Sukka (Sp) Tormod Skeie (SV), Sverre Underbakke (H) og Vanja Ignjatic (H)
FORFALL:	Ingen
MØTANDE VARAMEDLEM	Ingen
FRÅ SEKRETARIATET MØTTE:	Rådgevar Odd Gunnar Høie, Haugaland Kontrollutvalgssekretariat IKS
FRÅ REVISJONEN MØTTE:	Revisjonsdirektør Cicel T. Aarrestad - Rogaland Revisjon IKS
ANDRE SOM MØTTE:	Rådmann Øyvind Valen og konstituert barnevernsleiar Hilde Århus i sak 04/14
MERKNADER TIL INNKALLING:	Ingen
MERKNADER TIL SAKLISTE:	Ingen

FØLGJANDE SAKER BLEI HANDSAMA:

SAK 01/14 GODKJENNING AV PROTOKOLL 21.11.13

Sekretariatet si innstilling:

Protokoll frå møte i kontrollutvalet 21.11.13 blir godkjent slik han ligg føre.

Handsaming i kontrollutvalet 13.02.14

Utvalet hadde ingen merknader til protokollen.

Samrøystes vedtak i kontrollutvalet 13.02.14:

Protokoll frå møte i kontrollutvalet 21.11.13 blir godkjent slik han ligg føre

SAK 02/14 REFERAT- OG ORIENTERINGSSAKER 13.02.14

1. Statusoversikt pr. februar 2014
2. K-st vedtak 05/14 – rapport om styring av byggeprosjekter
3. Årsrapport – frå Skatteoppkrevjaren i Suldal kommune
4. Skatterekneskapen for 2013
5. Rapport frå NKRF-konferansen 5. – 6. februar 2014
6. Tertialrapport pr. 31.12.13 frå Rogaland Revisjon IKS
7. Oversikt over statlege tilsyn i 2014 – frå Fylkesmannen i Rogaland

Handsaming i kontrollutvalet 13.02.14:

Sekretær gjorde greie for referatsakene. I samanheng med Statusoversikten drøfta utvalet om ein revisjon av kommunen sine eigarinteresser var aktuell. Utvalet vil kome tilbake til saka. T. Skeie gav med hjelp av B. Myrland, sekretær og revisor, eit grundig referat frå NKRF-konferansen.

Revisor orienterte om tertialrapporten deira, og gjorde greie for at årsaka til budsjett-overskridingane med rundt 100 timar var samansett. Kommunen hadde fått orienteringar undervegs.

Samrøystes vedtak i kontrollutvalet 13.02.14:

Referatsakene 1- 7 blir tatt til orientering.

SAK 03/14 ÅRSMELDING FOR KONTROLLUTVALET 2013

Sekretariatet sitt framlegg til vedtak:

Kontrollutvalet godkjenner årsmeldinga for 2013.

Suldal kommunestyre tek årsmeldinga for 2013 frå kontrollutvalet til orientering.

Handsaming i kontrollutvalet 13.02.14:

Utvalet drøfta framlegget til årsmelding, og var samd om at ein setning under pkt. 3 skulle strykast. Medlemmene var elles nøgd med årsmeldinga slik den var framlagd.

Samrøystes vedtak i kontrollutvalet 13.02.14:

Kontrollutvalet godkjenner årsmeldinga for 2013 med dei endringane gjort i møtet.

Innstilling til kommunestyret:

Suldal kommunestyre tek årsmeldinga for 2013 frå kontrollutvalet til orientering.

SAK 04/14 OPPFØLGING AV RAPPORT OM BARNEVERNET

Sekretariatet sitt framlegg til vedtak og innstilling til kommunestyret:

Suldal kommunestyret tek rådmannen si tilbakemelding om hans oppfølging av forvaltningsrevisjonsrapport om barnevernet til orientering.

Handsaming i kontrollutvalet 13.02.14:

Leiar orienterte kort om saka. Rådmannen delte ut ei skriftleg orientering. Han og konstituert barnevernsleiar gjorde punktvis greie for dei tiltak og forbetringar som var gjort. Det dreidde seg om stabilitet i bemanninga, sakshandsamingstid og fristoverskridingar, tilsyn med fosterheimar og eit eventuelt interkommunalt barnevern.

Utvalet hadde nokre oppfølgingsspørsmål. Rådmann og konstituert barnevernsleiar svara. 2013 hadde vore eit svært belasta år for barnevernet og dei var glad det såg lysare ut for 2014. Det var mellom anna tilsett ein ny medarbeidar i ei nyoppretta stilling.

Samrøystes vedtak i kontrollutvalet 13.02.14:

Suldal kontrollutval tek rådmannen si tilbakemelding om hans oppfølging av forvaltnings-revisjonsrapport om barnevernet til orientering.

YMSE

Legetenesta

B. Myrland følgde opp same sak frå sist møte. Utvalet drøfta kva ein kunne gjere, ettersom det er komne fleire munnlege meldingar som tyder på at rutineane kan betrast. Det er vanskelig å gå vidare med meldingane når det ikkje er lagt fram noko skriftleg. Utvalet ville undersøkje med Fylkesmannen/fylkeslegen om talet på klager og oppfølging av desse.

Til neste møte vil ein be rådmannen orientere om korleis situasjonen på legesenteret er no. Med spesiell vekt på: oppfølging av kronikarar og om rutinar for kunnskapsoverføring til ny tilsette legar verkar tilfredsstillande.

Dette som ei oppfølging av tidligare orienteringar frå administrasjonen i same sak.

Neste møte: 08.05.14, kl. 09.30

Sand/Aksdal, 13.02.14

Sverre Underbakke
Leiar


Odd Gunnar Høie
Kontrollutvalssekretær